

欽定平定教匪紀略

欽定平定教匪紀畧卷三

九月十八日

辛巳

二阿哥綿寧奏言本月十七日辰刻托津英和

到京在

內右門傳宣

恩旨並

子臣等

奏摺一件子臣跪讀之下感激涕零五內惶惶實

難銘述竊思子臣仰侍

皇父

皇母鞠育深恩非不知自愛而事在倉促又無禦賊
之人實出於萬不得已惟時只欲退賊勢不由
已復不知賊數之多寡幸叨

天

祖

皇父

皇母鴻福垂佑却賊無事

子臣

年幼無知於事後愈

思愈恐今蒙

恩旨特封智親王

子臣聞

命之下惟有碰頭感

恩所有

恩綸獎諭之處

子臣

有何謀何勇實不敢當若論忠

孝二字

臣子

之所當然私懷屈曲筆不能宣

皇父回鑾後倘蒙

垂問敬述餘情謹此具摺恭謝

天恩伏祈

皇父睿鑒

二阿哥綿寧

子臣

又奏言本月十七日未刻

子臣

等

接得托津英和寄字據奕紹面見伊二人告知

訊據賊人陳爽供出同黨有太監六名現在內
當差不可不傳出對質仰求諭令常總管照單
內人名卽行交出子臣等卽密告常永貴等及

敬事房首領筆帖式嚴密拏縛內中惟有陳文魁
一名

宮內現無名此者復據已拏之太監劉金王幅祿

供稱

鍾粹宮太監高廣幅亦係同黨查高廣幅於十五日出去已被官兵殺斃在該犯衣物之內搜得劍一口常永貴卽派孫進朝帶領本宮首領姚悅太監苗喜至

西華門外驗看該犯頭面砍爛看視不真旁觀面貌年歲及所穿衣服均屬合對其餘五名

子臣

等同常永貴及內務府大臣等由

內右門當面交與綿謀奕紹委派

乾清門侍衛伊勒通阿及兵丁等卽刻押送刑部

交納所有縛交之太監

天穹殿太監劉金搜得斧子一把刀一口白布一塊

基化門太監劉得財

月華門太監張太

御書房太監王福祿搜得汗屨一件上有血迹

坤寧宮太監閆進喜謹此具摺奏

聞

托津英和奏言本月十七日未刻貝子奕紹到步軍統領衙門面見臣等告知活賊陳爽供出有太監與伊等同夥是其引進

禁門等語臣等聽聞之下不勝詫異因思若照向例由內務府大臣向總管太監指名傳喚不足

以昭慎重臣等卽照奕詞訊出之人開列名單

啟知

阿哥嗣經內務府大臣穆克登額等遵

阿哥諭將

月華門等處太監張太王幅祿劉金劉得財閏進喜五名解送刑部並稱尙有太監高廣幅一名在外未回並送交步軍統領衙門刀二把斧一

把有血跡汗屨一件有血跡碎白布數塊淨白布二尺臣等細加查看一刀係兩刃長二尺寬一寸有餘上寫高廣幅三大字一係尖刀長一尺餘寬有二寸上寫劉金二字現在臣托津會同刑部堂官連夜嚴審另行具奏

是日未刻托津劉鑑之英和英綏費錫章奏言竊臣英和於十六日派有頂戴番役頭目張吉

番役高鐸徐勇祥會同營員地方官前往黃村
西宋家莊查拏同興所奏劉姓要犯於本月十
七日酉刻據張吉等稟稱密至該處與順天府
宛平縣捕役等將劉姓卽林清拏獲臣英和預
飭海子官員等開門接遞護送進城南路同知
張步高亦帶領人役一同押解到署臣等在步
軍統領衙門公同審問據林清供認林姓是實

所稱劉姓係前世之事其爲首悖逆情事當卽挺身直認不辭及詰其黨夥尙有多少現存何處又復支離不肯吐實臣英和當卽派兵與原

拏之番役人等將該犯解送刑部臣托津亦卽

赴部公同連夜嚴審得有確供另行具奏奏入

上諭內閣日本年九月初六日豫東交界地方有亂

民戕官滋事拏獲匪犯供係天理會邪教並據同

興奏稱會內首逆林姓又捏名劉林在附近地方
藏匿正在降旨飭拏問十五日忽有賊匪潛入紫
禁城持械逞兇經王大臣及文武官員協力圍捕
殲擒淨盡嚴究首犯據英和等選派番役於近京
之宋家莊地方拏獲林清一犯供認前生姓劉所
有十五日潛入禁城賊匪均由伊派撥屬實該犯
傳習邪教糾衆謀逆罪大惡極今夥黨殲除首犯

旋卽就獲仰蒙

天

祖恩佑錄感實深除將該逆按律懲辦外英和督拏要犯尅日就擒厥功甚鉅英和著交部從優議敘其原拏之官員番役人等著英和分別等第開單呈覽候朕明日進官再降恩旨將此通諭知之

臣
等謹按殛邪首重夫渠魁除惡莫先于巨

憲首逆一日不得則其徒黨之心不渙猶伐
惡木者必先剗其根株也然而遲速之間亦
各有數焉而不可必者三省白蓮教匪倡亂
者爲劉之協而劉之協一犯自乾隆五十九
年在扶溝縣脫逃之後直至嘉慶五年八月
始克就擒中間在逃多至四處勾結以致

王師稽於歲事迨該犯旣擒之後不逾年而三省

戡定矣今林清倡亂更甚於劉之協倘或逋
誅竄逸則隱惡終未能盡熄乃該逆當破案
之後目擊徒黨潰散猶戀守巢穴以待繫維
蓋

天網默施有欲遁而不能者

皇威赫震賊膽胥寒黨惡數萬人所由不轉瞬而駢
誅淨盡也

是日酉刻托津英和會同刑部尙書崇祿等奏
言頃據內務府大臣等將太監劉得財等犯押
送刑部並據閻進喜供曾經劉得財告知有高
廣幅王進得顧進祿王平周進喜彭禿子康景
玉孔景得張正庭謝貴彭老二等十一犯俱係
同教當卽一面咨行內務府嚴拏各犯一併送
部審訊外一面將太監劉得財等嚴加熬訊據

劉得財供我係桑垡村人年三十六歲父親名叫劉峻德我於嘉慶十一年挑在

基化門當差十七年二月有同村陳夷教我學好傳我真空家鄉無生父母八字還叫我轉收徒弟我先收了劉金王幅祿張太高廣幅四人爲徒八月裏我又向閭進喜說起這八個字他說他舅舅田二曾經教過今已忘記我又教了幾

遍陳爽有師父林清說會捏訣能知我們心裏的事八月二十四日我父親送信叫我出來到彰義門大街店裏見了林清陳文魁等林清說九月十五日要起事動手叫我引路進內如能成事封我總管九月初二日在

東華門遇見陳爽給了我白布幾塊叫我分給衆人我這日晚就分給張太王幅祿劉金高廣幅

我自留一塊因閏進喜算伊舅舅田二手下人
沒有給他十五日早起我出

東華門遇見陳爽們說帶有三四十人同在酒鋪
內坐著候至午時一同進內我同劉金引路從
蒼震門進去祇進去了龔恕劉金玉二人就被打
倒拏獲我就跑到

內右門躲避至十七日下午被拏至閏進喜所供

高廣幅等十一人內中只有高廣幅曾經歸教
實係同謀此外王進得等十人我並未傳教等

語臣等正在具摺間適又據步軍統領衙門將

宋家莊逆犯林清拏解到部臣等公同嚴訊據

林清卽劉興幘供我係宛平縣黃村宋家莊人

年四十四歲曾充南路廳巡檢司書吏退卯二

十多年十一年有教頭宋景耀傳教教我念真

空家鄉無生父母八字這教原分八卦有同教的劉呈祥曾掌坎卦十三年上劉呈祥因陳懋功呈控伊兄陳懋林傳教案內與宋景耀宋理輝俱犯案問徒我因入教亦問擬杖罪坎卦無人掌管衆人推我掌管我先因陳懋功等控案牽連在保定府時適有滑縣書吏牛亮臣也在彼結訟彼此認識說起滑縣有李文成也講此

教我就去訪他他說我前世係卯金所以改作姓劉十六年上我將坎卦仍交代劉呈祥掌管那年李文成在滑縣掌了震卦教震卦爲首七卦俱歸其掌管後衆人推李文成掌九宮統管八卦李文成將震卦給于克敬掌管衆人又推我爲十字歸一八卦九宮統歸我掌管本年八月十四日李文成的義子劉成章到我家約期

到京起事共一百四十人每一頭人管十人分

東西兩邊東邊派陳爽爲頭劉呈祥押後進

東華門西邊派陳文魁爲頭劉沫太押後進

西華門東邊係太監劉得財劉金引路西邊係太

監張太高廣幅引路還有太監王幅祿閻進喜

中間接應陳爽們帶同小頭目劉進亭郝文昇

劉沫年王秀祝現陳三季進玉董伯旺劉啟文

田起祿其餘名姓均記不清這都是我預先安排的我並未同來伊等如何進內滋事及一百四十人是否到齊我不知道當日逃回之人內有邊老祝林李逢泉周姓趙姓我均見過這引路太監劉得財等本是教內之人至河南李文成原約會九月十五一齊起事他那裏派人來京幫助後來他那裏如何改早日子我不知道

這日亦並無人來我這幾日正要到河南探信
不想被官人摶獲等語

臣

等查該逆所供自必

不實不盡除再熬訊外謹先將首逆林清及太

監劉得財初供同現在到案各犯供詞繕呈

御覽其未經到案之陳爽龔恕等二十六犯俟續行

訊供具奏

儀親王永璇等奏言竊

臣

等奉

旨派前鋒統領護軍統領在

紫禁城內搜查當卽遵

旨分定段落左翼前鋒統領綿志自中一路

太和門至

乾清門一帶地方搜查署右翼前鋒統領瑞齡自

東華門東南角至

寧壽宮一帶地方搜查正紅旗護軍統領西拉布

自

寧壽宮至東北城根一帶地方搜查署正黃旗護軍統領綿懷自東北城根至西北城根北面一帶地方搜查署鑲白旗護軍統領楊澍曾自西北城根至

自

壽康宮南一帶地方搜查正藍旗護軍統領慶祥

壽康宮南至

西華門西南角一帶地方搜查署正白旗護軍統領成格自

西華門西南角至

東華門東南角南面一帶地方搜查今已查過二次現在據綿志等報稱搜查已淨所有十七日慶祥在

武英殿前河內續拏賊一名賀五又

宮內交出太監劉得財等五名現尙有陸續交出
之太監臣等均眼同看令伊勒通阿安成分起

押出

東華門外卽送刑部交托津等會同刑部審訊

總管內務府大臣穆克登額徵瑞蘇楞額奏言

竊臣等搜查賊匪所有

內廷宮禁據總管太監常永貴口稱巡查數過實無潛藏賊匪各處門禁防範嚴密其

阿哥所地方

臣

等同貝子奕紹逐處查看並無

形跡至

臣

等帶兵生擒活賊五名均各受傷甚

重當加訊問據供一名張十林係新城縣人一

名宋善中係固安縣人一名黃祿兒係新城縣人

人一名張五係寧津縣人一名王二係固安縣

人該賊人等言語錯亂含糊毫無實據因受重
傷張十林宋善中黃祿兒業已身斃張五王二
傷重現亦垂斃再各處看守蘇拉披甲人等尙
有受傷及傷重身故者現在按數詳查辦理至

十九日

皇上進宮除臣等面告知常永貴分派太監外並行
文侍衛處及護軍統領分派侍衛護軍小心預

備以昭嚴肅均奏入

上命軍機大臣傳諭托津英和曰日本日據托津等奏
拏獲逆首林清嚴行訊究又據托津等奏訊據賊
犯陳爽供出太監劉得財等夥同入教等語覽奏
實堪駭異該犯等供役內廷膽敢習教入夥並聽
從逆犯指揮預爲引路實屬罪大惡極著托津等
將已獲各太監等隔別嚴訊務令將同夥之犯逐

一全行供出勿任稍有狡飾隱匿至該犯等以內
監謀逆悉當問以大逆凌遲該犯等家屬亦應緣
坐著英和等卽刻按名查拏此案入教各太監內
劉得財一名係太監內入教傳徒首犯情節尤爲
可惡著留備廷訊並再留情罪較重者一名候朕
親加嚴鞫盡法處治所有托津等訊出從逆太監
現據二阿哥奏交五名外又續交九名托津等陞

續訊出如何有在逃者著步軍統領順天府五城
及內務府番役一體嚴拏務獲現在無論已獲未
獲先查明係在何處當差之人開具清單於明日
具奏至林清一犯係屬首逆托津等審訊時務令
將夥犯人數悉行供出以便按名根究林清並備
廷訊無稍疎虞

上又命軍機大臣傳諭黑龍江將軍富俊日本月十

五日京城內有天理教會匪潛由東華門西華門進至蒼震門滋事之案當經王大臣殲擒淨盡茲審訊獲犯據供有太監數名入教潛爲內應殊堪駭異除在京各太監已按名拏獲究辦外此內上年因賭案發遣之顧進祿一犯據太監閻進喜供聽見太監劉得財說伊亦在教著傳諭富俊接奉此旨卽刻查拏到案將該犯在京時如何入教及

有無預商謀逆情事嚴加刑訊一經審訊明確一面據實具奏一面卽將該犯凌遲處死並傳齊該處在配各太監環視行刑以儆兇慝

同日溫承惠奏言竊臣於十七日申刻接奉

上諭昨同興奏訊據匪犯張建木供出教首劉真空現住京南二十八里大路邊沙河地方收徒聚衆等語本月十五日忽有賊匪潛入禁城滋擾諸王

大臣等會同剿捕悉數殲擒朕聞信後暫緩謁

陵回京親訊此案著溫承惠等迅速督兵馳抵該逆匪

屯聚處所盡力剿辦如拏獲賊犯先行嚴鞫附京

一帶黨與若干開明姓名住址具奏等因

臣跪讀

之下心驚髮指莫能名狀該匪徒罪惡滔天爲

中外臣民所痛恨幸賴

聖主洪福立時全數殲獲得以追訊根由

禁門重地任聽逆匪闖入守門章京等所司何事

實難寬宥

臣

旣蒙

委任畀以帶兵之責惟有立卽馳赴大名一帶滅此

朝食

臣

於十六日回至保定省城後馬瑜亦於

十七日趕到所有前調

臣

標各營兵一千名已

全數起程惟提標宣化鎮官兵均尙未過省又

直隸官員均未辦過軍需一切安設糧臺軍站

應付征兵轉運軍火接遞文報等事頭緒紛繁

必得逐件畧爲籌定庶後路不致掣肘現在省

城順德兩處已分設軍需總局藩司素納專駐

順德辦理運司陳文駿幫辦臬司慶格專辦省

城局務清河道魯銓幫辦臣恐前調官兵不敷

剿辦續又加調提標宣化鎮官兵一千五百名

臣標兵六百名現在署督臣章煦於十七日到

抵保定臣讓官兵先行數日定於十八九兩日

與提臣馬瑜兼程前進現聞滑縣匪徒竄往濬

縣內黃交界之道口一帶係自南而北山東匪

徒由曹縣而趨單縣係自西而東其著名首逆

均係滑縣人其爲滑縣首先起事無疑臣謹就

各處稟報細加揣度先行繪具地圖恭呈

御覽

溫承惠又奏言查兵食關係緊要現在直隸省
前此截留備賑漕米除正用外尙多萬餘石又
奉天米二十萬石明春加賑煮粥所用約計無
多其餘亦可供用但奉米到直需時日無仰懇
皇上天恩俯准先借京通倉小米五萬石由水路運
赴大名一帶庶官兵到彼可供支用又官兵沿
途口糧若照定例折銀支給亦不敷用仰懇

天恩於兵丁日需口糧每名折給銀一錢五分俾各
果腹其轉運軍火軍裝等項現飭大宛兩縣及
獲鹿縣領項雇驛數百頭應用將來核實報銷
護理河南巡撫布政使台斐音奏言臣於十二
日封邱途次接據衛輝府稟稱城外現有賊匪
游奕郡城戒嚴等情臣聞信立卽馳赴衛郡經
代理臬司河陝汝道富海河北道趙麟帶領兵

壯出城追拏探信騎馬賊二名攜有刀械並白布纏頭束腰當卽公同提訊據供一名宋興一名孫思明均係滑縣人總教頭係林清又有子第七李第四牛亮臣馮克善都是小頭目夥黨共有一千餘名本定九月十五日在直隸河南山東交界各縣一齊動手可以牽制三省官軍迨後漏洩風聲被長垣滑縣查拏所以先行起

事于第七等於初七日殺官刦獄後要來攻打
衛輝因探信之劉崇化等被獲又打發我等數
十人持刀騎馬前來窺探致被拏獲我等起身
時聞得牛亮臣要帶四百人前來衛輝攻城等
語隨提先經擒獲之劉崇化等九名質訊相同
概行正法至所調撫鎮各標兵丁現到一千名
臣
卽囑鎮臣色克通阿並令撫標中軍叅將張

拱辰先行帶領前進直抵滑縣相機剿捕郡城
亦留兵防守現在二起官兵已到足敷策應

臣

俟高杞抵豫再遵

旨前赴睢州一帶查辦賑務均奏入

上命軍機大臣傳諭溫承惠曰此次教匪滋事直隸
長垣縣地方戕官不法該督溫承惠已有失察之
咎本月十五日忽有逆犯七十餘人突入禁門首

逆林清潛匿黃村西朱家莊地方現據英和等派
員弋獲而所獲從逆之犯多籍隸近京固安等處
溫承惠在直隸總督任內有年於所屬州縣匪徒
潛行習教釀成大案平日漫無覺察厥罪甚重乃
本日溫承惠具奏接奉前次諭旨聞知此事竟不
自行請罪實屬怪誕並請將守門章京兵丁查明
重懲可謂祇知責人不知罪已者矣現在北路逆

匪總頭目林清一犯業經就獲所餘夥黨朕自欽
派大臣前往擒捕其東路賊首崔士俊已明正典
刑所有滋事之天理教祇有南路首逆聚衆於山
東河南邊界滋擾溫承惠身係總統惟當督率將
領迅速馳赴賊匪聚集之處奮力剿辦一鼓掃蕩
邪氛庶可稍贖前罪于萬一若再不奮勉遲延貽
誤該督自問當得何罪

上又命軍機大臣傳諭署河南巡撫高杞山東巡撫
同興曰劉真空卽林清一犯係此案首逆關係緊
要本日午刻據英和等奏到密派番役人等在黃
村地方將該逆拏獲解京所有潛入禁門肆逆各
犯均由該逆派撥供認不諱該首逆潛匿畿輔謀
爲不軌山東河南等處賊匪皆其黨羽今首逆就
擒賊夥自必聞風膽落仰賴

天

祖恩佑於辨賊機宜甚爲順遂現在台斐音奏稱賊匪
攻陷定陶曹縣之後復來窺探衛輝府城著高杞
督同色克通阿迅卽進兵就地剿捕務將賊匪痛
加殲戮同興亦督催所調弁兵於本境併力堵剿
勿任再有滋蔓

同日

上諭內閣曰現在剿辦滋事匪徒兵糈緊要著先撥
京通倉小米五萬石由水路運赴大名一帶供用
俟奉米到日照數撥還其沿途運送事宜著章煦
派員經理又直隸省南北各府糧價昂貴現在各
路官兵起程前赴大名沿途應支口糧若照定例
折給恐不敷食用著加恩每名每日折給銀一錢
五分俾資果腹俟軍營糧運到時再照例支給鹽

糧其轉運軍火銀糧及隨營裹帶軍裝等項雇用
驛頭所需價值准其核實報部開銷

欽定平定教匪紀畧卷四

九月十九日壬午

上自烟郊還宮諭內閣曰本月十五日賊匪擅入禁城經在京王大臣等督率官兵立時殲捕連日搜拏淨盡朕本日進宮一切整肅如常辦理甚爲妥協除格外出力之王大臣官員先已降旨分別施恩及捕賊兵丁分賞錢糧外其餘進宮幫同辦事

之親王郡王貝勒貝子公等俱著加恩賞給紀錄八次文武大臣官員等各賞加二級行在扈蹕諸王及拉旺多爾濟等盡心翊衛亦著賞給紀錄八次慶郡王永璘前有應罰王俸著查明如未經扣過寬免一半若業經分扣卽將未扣者寬免軍機大臣董誥托津盧蔭溥總管內務府大臣桂芳及軍機章京等晝夜宣勞均著賞加二級扈蹕武職

大臣侍衛章京官員等俱賞加二級文職大臣章
京官員等俱賞加一級署古北口提督福長安密
雲副都統策丹口北道廉敬正定府任銜蕙及直
隸地方文武各官並調到駐防各滿員俱著賞加
一級其行營原派各兵丁並續經調到滿漢官兵
著查明俱賞給一月錢糧

上又諭內閣曰乾清門三等侍衛伊勒通阿副護軍

叅領諾木齊捕賊奮勇著交部議敘

上又諭內閣曰首逆林清前經同興密奏該犯在附

近京城地方潛匿英和等派員前往得以立時擒

獲並得其家屬全數成擒此亦同興之功著加恩

交部議敘

上又諭內閣曰通永道任烜於所屬地方匪徒潛匿

毫無覺察著革職

上又諭內閣曰賊匪潛入禁門一案疎防之右安門
正陽門宣武門三處城門官員及兵丁等俱著黜
革發遣吉林黑龍江兩處以示嚴懲

是日穆克登額徵瑞蘇楞額奏言查太監內除
張太王幅祿劉金劉得財閆進喜五名先於十
七日押送刑部又傷斃太監一名已認明高廣

幅外又

毓慶宮太監王進得

近光右門太監王平

坤寧宮太監周進喜

景仁宮太監彭禿子

大殿太監康景玉

天穹殿太監孔景得

御花園太監張正庭

三阿哥所太監彭老二卽彭順自鳴鐘處太監
謝貴共九名續據托津等行文咨拏又總管常
永貴等搜出張太小摺一個查有

古董房太監周進喜孫進祿

北小花園太監張進保形跡可疑均經一併細拏
送交刑部審辦摺內尙有

圓明園西南門開茶館太監董安太西南門開包

子鋪太監張廣玉二名臣等已告知英和派人

緝拏歸案審辦續又據常永貴等搜出高廣幅
結義小摺一個內有

中正殿太監王順王進忠

養心殿太監辛迎春孫洪亮藥房太監鄭山均經
細拏交出查該太監屋內並無凶器臣等暫交

慎刑司看守尙有隨圍之

中正殿太監史官箭匠處太監姚成膳房太監周進喜俟到京後再行綱拏又

月華門太監楊喜亦經常永貴看其形跡可疑一併綱拏交出交慎刑司看守其是否從逆入教抑僅止結義之處統俟逐一審明分別辦理

同日托津英和會同刑部尙書崇祿等奏言臣

等連日遵照

指示審訊首逆林清據供我先前入教原止希圖斂
錢後來衆人推我掌卦又後來總領八卦那滑
縣的李文成除坎卦外七卦俱是他管領七卦
內有事李文成須來報我我見入教人多起意
謀逆我們推算天書彌勒佛有青洋紅洋白洋
三教此時白洋教應興衆人說我是太白金星
下降又說我該做天王有衛輝的馮克善該做

地王李文成該做人王天書上又說八月中秋
中秋八月黃花滿地開放我們想今年該閏八
月這九月十五正是第二個中秋合該應運所
以與李文成約定在九月十五起事彼此聚會
我預先布置叫陳爽陳文魁帶一百來人分路
先進

紫禁城原想這邊得了手我就同河南來的一股

趁

回鑾之時迎上前途鬧事不想李文成一路不到我
也沒法了至我附近一帶從教的原只二百來
家我已挑了一百多人進京剩下的老弱婦女
不能濟事所以陳爽等之外實無多餘的人不
能再派人在城中藏伏這八卦的人每卦多少
不等震離兩卦人數最多滑縣頭目于克敬磁

州頭目趙得一長垣頭目賈士元羅文志手下各有幾百人這都是震卦道口鎮頭目王修智手下有一千人曹縣頭目徐安帽德州頭目宋躍漋金鄉頭目崔士俊手下各有幾百人這都是離卦此二卦頭目我都熟悉又巽卦頭目楊遇山在順德府鉅鹿縣乾卦頭目華姓在宣化府艮卦頭目王道漋在歸化城坤卦頭目魏

正中在安慶兌卦頭目王忠順在潼關這五卦
頭目我都不熟記憶不清這都是李文成向我
告知的此外饒陽南宮等縣喜峯口並滑縣的
大頭目劉裕漋馮克善那裏有五百多人東昌
府亦有五七百人頭目李萬成與馮克善係一
氣的至於傳教之時喫茶喫藥這都是手下人
轉相接引添出來的事我實不知道十五日起

事之時同謀的太監竇祇劉得財劉金高廣幅
張太閔進喜王幅祿六人其餘再無別的太監
這太監六人都是教內的本年三月內我在

西華門外飯鋪內見過劉得財劉金高廣幅張太

王幅祿五人我與他說傳教並告知刦運將到

的話八月內安排後我又到京在順城門外菜

市口店內見劉得財劉金高廣幅張太四人呌

他引路王幅祿係呌劉得財轉告訴的閻進喜
我沒見過等語提質該逆之甥董幘太供亦相
符至太監閻進喜供出之入教太監王進得等
各犯已據內務府大臣查拏送部臣等逐一嚴
審惟康景玉一犯供認入教並未隨同謀逆其
餘俱堅不承認又內務府大臣送到曾經結拜
形跡可疑之太監周進喜張進保等犯反覆研

鞫俱供認結拜並無別情

臣

等復向林清根究

該首逆亦堅稱實係劉得財等六犯其餘並不

知影響等語又陳爽等各犯現據步軍統領衙

門解送到部除業已傷斃外其現存各犯

臣

等

覆行審訊與前供脗合所有審得林清及董幘

太陳爽等供詞繕呈

御覽再貝子奕紹順承郡王倫柱侍衛公舒明阿又

於十八日申正在

午門拏獲活賊三名魏大彬孫儻子李萬均俱在
天花板上搜出現在亦已押至刑部審訊

托津英和又奏言臣等接奉

諭旨紫禁城內既已搜查淨盡無須多兵駐守著托
津等酌留若干在紫禁城內分撥若干在皇城內
派定具奏等因查

紫禁城內堆撥共六十餘處臣等公同商議將緊

要門禁處所照舊時值宿弁兵名數加增三倍

其次加增兩倍又其次加增一倍酌量輕重均

勻添撥約需弁兵一千數百名連舊設額兵約

共二千數百名足敷巡查至

皇城內舊設堆撥俱係步兵駐班共堆撥一百五

十座兵二千三百餘名臣等現將分撥餘剩兵

丁全行添派

皇城內各堆撥較之

紫禁城內人數倍多更足以資巡查奏入

上命軍機大臣傳諭署直隸總督章煦曰前日拏獲

突入禁城滋事各逆犯究出首逆劉真空卽林清

已在黃村拏獲其家屬本日並已全數捕獲訊據

該逆供係八卦教今改名天理教其黨與散布各

處磁州頭目係趙得一長垣頭目係賈士元羅文
志鉅鹿頭目係楊遇山又饒陽南宮縣喜峯口並
滑縣之大頭目劉裕濬馮克善各有五百多人等
語長垣滑縣賊首自己隨同起事其磁州饒陽鉅
鹿南宮喜峯口賊匪仍伏而未動著章煦卽選派
安幹員弁前往密訪嚴拏務將賊首緝獲訊明由
驛速奏如有抗違拒捕情事卽飛咨溫承惠派兵

剿捕就地殲除毋任竄逸勾結

上又命軍機大臣傳諭山東巡撫同興曰首逆林清現經拏獲訊據供認八卦教今改名天理教人數衆多散布各處山東東昌府一路係李萬成爲首曹縣一路係徐安帽爲首德州一路係宋躍漋爲首金鄉一路係崔士俊爲首手下各有數百人等語崔士俊業已正法徐安帽已在長垣滋事其東

昌之李萬成德州之宋躍漋尙伏而未動著同興
卽選派妥幹員弁分往東昌德州不動聲色密訪
嚴拏獲犯後訊供由驛速奏倘有抗違拒捕情事
卽速調兵就地剿捕毋任竄逸勾結

上又命軍機大臣傳諭山西巡撫衡齡曰前日據同
興密奏拏獲金鄉教匪張建木訊據供稱傳教大
頭目劉帽明告知這教山西最多先收集山西多

年如今續收山東其收西邊的人係于克敬係山西人現在河南滑縣又稱這是白洋刦山西是洋頭河南是洋肚山東是洋尾等語又現在拏獲突入禁城滋事匪犯之總教首林清供稱八卦教今改爲天理教有艮卦頭目王道漋在歸化城傳教等語河南滑縣及山東定陶曹縣等處教匪滋事連陷數縣于克敬一犯雖在河南滑縣此時或潛

回山西其王道漋一犯現在歸化城著衡齡卽速
選派妥幹員兵不動聲色密訪嚴拏務獲拏獲後

訊取供詞由驛速奏先須密爲佈置不可使聞風

蠢動倘有糾約拒捕情事著卽派兵立時撲滅毋

任竄逸勾結

上又命軍機大臣傳諭察哈爾都統貢楚克扎布護
理陝西巡撫朱勦安徵巡撫胡克家日本月十五

日突入禁城各匪犯現已殲捕淨盡其總頭目林清業已拏獲訊據該逆供係八卦教今改名天理教散布各處有乾卦頭目華姓現在宣化府兌卦頭目王忠順現在潼關坤卦頭目魏正中現在安慶著貢楚克扎布朱勲胡克家卽速選派妥幹員弁密訪嚴拏務獲拏獲後訊取供詞由驛速奏務須不動聲色將首逆擒獲勿令聞風蠢動倘有抗

違拒捕情事並著派兵立時撲滅毋任竄逸勾結

同日山東巡撫同興奏言

臣查東省定陶曹縣

俱係初九日晚間賊匪潛入縣城初十日黎明

同時突起將縣官戕害刦獄放火搶刦當店錢

鋪仍出城各分股散逸時該二縣典史均各受

傷尙能齊集兵夫將城垣保護閉門堅守

臣已

飭司速委幹員前往任事并派精銳弁兵會同

防守安撫居民現在賊匪散漫遊奕於定曹單
三縣之間刦掠村莊食物並不燒殺邀買人心
且欲觀望官兵形勢奸計叵測實堪痛恨臣當

卽出示曉諭居民將該匪等逆謀詳明指破頃

又探聞被脅之人多有潛回監犯亦有逃回者

並據金鄉魚臺鉅野等縣稟報各拏獲匪黨奸

細一二人身內搜出自布小旗及腰刀等件民

心不無惶懼查此等匪犯若長途解省恐致疏脫臣已飛札行知各該縣凡有刀旗者卽係逆

犯先行正法該匪等傳教煽惑有年處處須防

內應必須厚集兵力布置周密臣一到東昌卽

派曾經出師之員弁等先帶馬隊一百名馳赴

曹郡幫守一面札知鎮臣陳廣寧作速帶兵會

剿該鎮於十三日趕到曹州現在曹郡防備甚

嚴可無他慮其附近曹定各州縣

臣

將所帶本

標兵丁俱已分撥協防鉅野一縣民俗强悍尤

恐有勾結等事並派運司劉清帶兵彈壓至省

城西南一帶州縣爲曹州後路且有毗連直豫

二省交界者現在該州縣紛紛請兵

臣

亦均按

其遠近緩急情形分派弁兵星往備禦

臣

分撥

稍定卽帶所調德州駐防兵一百名本標馬隊

一百名馳往曹州相機剿殺並續調登鎮各營
兵二千名前來接應期於計出萬全至前獲之
首惡崔士俊等七犯業已正法外尙有先後拏
獲禁者三十餘人臣已飭兩司嚴審確情將
情重者亦卽先行正法其情輕者卽分別定擬
發落免致久禁省監刻須防守

署河南巡撫高杞奏言連日藩司素納送到各

州縣稟報據稱河南賊匪仍集濬滑二縣境內
并聞濬滑連界之道口地方亦被賊匪佔據查
各該處地方相距衛輝彰德二府大道不遠旣
有賊匪滋事必須厚集兵力方足制賊目下調
集之兵無多開州長垣東明在在有賊匪滋擾
現在大名協副將佛雲帶兵百餘名駐守長垣
大名府莫景瑞帶兵役百餘名駐守東明督標

副將舒凌阿帶兵百餘名駐守開州聞開州向
係土城甚爲殘破適鎮臣拴住帶領馬步兵丁
一百六十餘名前來大名亦已商令馳赴開州
防守卽就近策應東明長垣此時若以百十餘
名之兵冒險進剿千餘衆之賊稍有不敵轉致
賊匪猖狂脅從更衆惟有虛張牽制勿使南竄
亦勿令北趨俟臣趕赴豫省統領官兵自南向

欽定四庫全書

卷四

北兜剿

欽差大臣溫承惠自北向南追捕兩處夾攻自不難立時撲滅臣現由大名取道磁州前往河南均

奏入

上命軍機大臣傳諭同興曰賊匪傳教滋事前在長垣滑縣等處距京尙遠曾經降旨祇令將焚刦滋事者殲戮務盡其無知習教者概置勿問原憫其

無知寬以一線乃本月十五日該教首林清竟敢
遣同教匪徒突入禁城逞兇滋事罪大惡極爲覆
載所不容其同教之人天理滅絕斷難望其改過
自新此時不可再存姑息之見着同興於戕官滋
事匪徒帶兵痛加殲戮其實係天理教之夥黨查
訪明確卽按名擒捕審訊按律治罪惟嚴諭派委
之員不可濫及無辜一名此時東省教匪俱責成

同興一人辦理該匪在定曹單三縣之間遊奕窺
伺奸詐叵測同興恐各處竊發內應所慮甚是該
撫當厚集兵力一鼓殲擒勿留餘孽

上又命軍機大臣傳諭署河南巡撫高杞曰據高杞
奏河南賊匪仍集濬滑二縣境內現在兵未調齊
恐衆寡不敵轉致賊匪猖狂等語所見甚是色克
通阿現帶河北鎮兵近在衛輝台斐音所帶河南

撫標兵素稱精銳高札行抵豫境卽統集大兵探
明賊匪所在併力剿辦務須布置周密一鼓殲擒
早靖邪氛爲要

九月二十日癸未

上御乾清宮召見諸皇子及諸王文武大臣諭曰
我朝定鼎以來

列祖

列宗愛民如子深仁厚澤洽于寰區朕繼承大統保惠黎元惟恐一夫不得其所凡食毛踐土之倫縱不能家喻戶曉豈身享太平亦竟忘其所自乃本月十五日忽有教匪七十餘衆突入禁門將至大內幸皇次子親執鳥鎗連斃二賊逆黨始退王大臣督率官兵殲除淨盡仰賴

天

祖庇佑渠魁就獲餘孽悉平越三日朕由行在還宮京
城內外安堵如常事定思痛此實非常未有之變
寇賊叛逆何代無之今事起倉猝擾及宮禁傳之
道路駭人聽聞非朕之涼德何以致此但諸王大
臣同國休戚今使皇子親執火器禦賊於禁籞之
中諸臣其何以爲顏反而思之更何以爲心乎平本
日特於乾清宮召見諸皇子及諸王文武大臣面

加訓諭令王大臣各殫忠竭慮以匡國治勿再因循怠玩文恬武嬉事至則措置失宜事過則泄沓如故素餐尸位益重朕辜夫涓涓不塞將爲江河禍變之來必有由致不究其本患將未已諸王大臣及各言官如能洞見致患之原官常吏治有亟須整飭修明者各據所知剴切直陳朕必衷而行之若瑣瑣焉摘一事改一例博建言之名以圖塞

責朕甚勿取焉將此通諭知之

臣等謹按正朝廷以正百官正百官以正萬民

聖皇馭天下之道亦惟操其制治之原而已教匪挾邪說以詭正道愚民不知禮義不知廉耻聞祈福免難之說則靡然從之利心一熾不可救藥乃至犯上作亂皆由是而起人心風俗

之害胡可勝言而要之皆由於吏治之不修
官常之不肅型方訓俗責豈在民伏讀

聖諭以禍變之來必有由致不究其本患將未已因
令諸王大臣及言官等各據所知剴切陳奏
大哉

王言誠爲握治樞而挈政要由是修明法制整飭官
方綱紀立而教化興豈止補偏救弊於一時

也哉

同日

上諭內閣曰本月十五日有賊匪突入紫禁城滋事
次日朕於行在接據留京王大臣奏報不能深悉
情形恐賊黨衆多潛匿市闈當降旨飭令在京都
統前鋒統領護軍統領副都統等各於所轄地面
逐戶挨查昨日朕進宮時見京城內外一切安堵

如常其日滋事賊匪早經殲捕淨盡逆匪之總頭目林清拏獲審訊據供伊所遣入城謀逆匪徒本祇數十人除現已殲擒各犯餘匪數人聞拏逃遁俱經伊目見都城實無遺孽所有各旗都統等挨查地面之處著卽自本日奉旨之後停止如有藉口稽查擾累居民者該管大臣查叅嚴懲

上又諭內閣曰前因賊匪潛入禁城滋事搜捕未盡

經留京王大臣等調派火器健銳各營官兵分布
禁城防範嚴密並於皇城外通派八旗官兵周布
巡察茲朕已進宮京城內外安堵如常餘匪捕獲
淨盡官兵自應酌撤著派綿恩哈廸爾查明原派
在紫禁城安卡之內火器營官兵酌分十分之四
暫留禁城內巡察撤出十分之六在皇城內暫時
駐卡其原派在紫禁城外之健銳火器營官兵均

卽撤回原營皇城外八旗官兵著各撤歸本旗又
前因捕賊未淨恐其乘間逃逸京師內外各門經
王大臣下令嚴閉此時賊氛全淨無須戒備禁城
各門著全行開啟外九門除已開五門外其餘各
門著於明日全開照常以時啟閉至稽查出入門
禁本應嚴肅著護軍統領步軍統領左右翼總兵
各率所屬慎密巡查毋稍懈弛

上又諭內閣曰此次擅入禁城之賊匪皆由林清造
謀主使該犯係逆匪總頭目經步軍統領派撥弁
役立時擒獲實屬奮勇可嘉把總田壽著加恩以
都司卽用先換四品頂戴並賞戴花翎番役頭目
張吉著加恩以守備卽用先賞頂戴並賞戴花翎
番役高鐸徐勇祥俱著加恩以千總卽用先賞頂
戴並賞戴藍翎四人仍各賞銀三百兩眼目宋進

榮著賞銀二百兩以示優獎

上命軍機大臣傳諭章煦曰京城內外俱已照常肅清惟訊據該首逆林清供稱伊係天理教與滑縣長垣曹縣等處滋擾匪徒商同謀逆恐豫東滋事匪徒有潛遣來京探信之人或有前日禁城逃出之賊潛投該處入夥者不可不嚴加防範著章煦卽飭沿途地方官員於行旅往來嚴密查察時刻

留心如有形跡可疑者盤獲訊明由驛速奏

是日章煦奏言

臣遵查直隸藩庫除本年應行

動用各款外尙餘銀三十餘萬兩據溫承惠告

知天津運庫已備銀二十萬兩可就近撥用又

先於藩庫內動銀十萬兩解往順德交藩司素

納收存應用

臣復遵

旨飭查如遇各省有解部銀兩過境一面截留交存

直隸藩庫一面奏

聞若已足用亦卽停止此時直隸長垣東明開州等處匪徒散處村莊日有捕獲城垣保固無虞其磁州接壤豫境與濬縣相離不遠漳河渡口現有兵役防堵不虞逸入臣復分派幹弁不動聲色於保定附近一帶扼要之處密爲查訪如有形跡可疑及潛逃匪徒認真盤獲不敢疎懈奏

入報

聞

是日軍機大臣董誥等會同刑部奏請將審明逆犯龔恕等二十九犯均凌遲處死與前被格殺各犯一併剉屍梟示得

旨龔恕范采熊進才劉三安柱祝老楊正月李成楊成明季進玉趙二格宋維金王保兒聶寬並太監

張太王幅祿俱著於二十日凌遲處死陳爽張文
張貴兒楊成金老虎王玉兒史進忠劉二趙套兒
賀五孫傻子李萬金張金利俱著於二十一日凌
遲處死一併梟首示衆餘依議